

情芽類
情報類
情穢類

情史類略

卷十五
七十六



清史類纂卷之十五目錄

情芽類

禹 以下大聖

文王 孔子

太公

智胥

蘇子卿 以下名賢

胡澹菴

林和靖

李衛公

范文正

司馬溫公

張忠定

歐陽文忠

米元章

何樂

黃涪翁

廖道南

湖州郡僚

鳩摩羅什 以下高僧

宣州僧

僧知業

僧月洲

瀨女

以下賢女子

徐賢妃

孫氏

蕭文玉

蕭顯公

林咏華

李顯公

魏子輿

魏顯公

太公

晉省

禹
以下大聖

文王
以下

柳長生

柳長生

情史類畧卷十五

情芽類

○禹 以下大聖

禹年三十未娶行塗山有白狐九尾造禹塗山人歌曰綏綏白狐九尾龐龐成子家室乃都攸昌禹遂娶之謂之女嶠

○文王

文王得聖女妲氏爲配宮人作關雎之詩云關關雎鳩在河之洲窈窕淑女君子好逑參差荇菜左右流之窈窕淑女寤寐求之求之不得寤寐思服悠哉悠哉輾轉反側參差荇菜左右采之窈窕淑女琴瑟友之參差荇菜左右芼之窈窕淑女鍾鼓樂之

○孔子

或問孔子有妾乎。觀孔叢子載。宰子對楚昭王曰。夫子妻不服綵。妾不衣帛。車器不雕。馬不食粟。據此。則孔子亦有妾矣。人知惟聖賢不溺情。不知惟真聖賢不遠於情。

○太公

太公克商。獲妲己。光華耀目。太公乃掩面而斬之。極是殺風景事。却是不能忘情處。

○智胥

洪武中。駙馬都尉歐陽某。偶挾四妓。飲酒。事發。逮妓急。妓分必死。欲毀其貌。以覬萬一之免。一老胥聞之。往謂曰。若予我千金。吾能免爾死。妓立與五百金。胥曰。上位神聖。豈不知若輩平昔

之侈乎。慎不可欺。當如常貌。哀鳴或蒙天宥耳。妓曰。何如。胥曰。若須沐浴極潔。仍以脂粉香澤治面。與身令香遠徹。而肌理妍艷之極。首飾衣服。須以金寶錦繡。雖私服衣裙。勿以寸素間之。務盡天下之麗。能奪目蕩志。則可問其詞。曰。一昧哀呼而已。皮從之比見。上上此令。自陳其無一言。妓上顧左右曰。榜起殺了。羣妓解衣就縛。自外及內。備極華爛。繪采珍具。堆積滿地。照耀左右。膚潤如玉。香聞遠近。上曰。這小妮子。使我見也。當惑了。那厮可知。遂叱放之。

王道本乎人情不通人情不能爲帝王

○蘇子卿

以下名賢

蘇武初使匈奴時作詩別妻云。結髮爲夫妻。恩愛兩不疑。歡娛

在今夕。燕婉及良時。征夫懷往路。起視夜何其。參辰皆已沒。去
去從此辭。行役在戰場。相見未有期。握手一長嘆。淚爲生別滋。
努力愛春華。莫忘歡樂時。生當復來歸。死當長相思。妻答詩云。
與君結新婚。宿昔當別離。涼風動秋草。蟋蟀鳴相隨。冽冽寒蟬
吟。蟬吟抱枯枝。枯枝時飛揚。身體忽遷移。不悲身體移。當惜歲
月馳。歲月無窮極。會合安可知。願爲雙黃鵠。悲鳴戲清池。武居
匈奴十九年。及歸。鬚髮盡白。在虜中。曾與胡婦生子。故李陵答
書云。足下胤子無恙。後武男元從燕王旦謀反。伏誅。上命於何
奴中求胡婦子爲武後。

不有胡婦子。武嗣斬矣。天或者啓其情。以延忠臣之世乎。

○胡澹菴

胡澹菴十年貶海外北歸之日飲於湘潭胡氏園愛妓黎倩題
題壁間有云君恩許歸此一醉傍有梨頗生微渴厥後朱元晦
見之題絕句云十年浮海一身輕歸對梨渦却有情世上無如
人欲險幾人到此誤平生

嘗觀東坡志林載張元忠之說曰蘇子卿臆雲啖鹽可謂了
死生之際矣然不免與胡婦生子而况洞房綺繡之下乎乃
知此事未易消除文公之論澹庵亦猶張元忠之論蘇子卿
也鄭叔友論劉項曰項王有吞嶽瀆意氣咸陽三月火骸骨
亂入如麻哭聲慘怛天日而眉容不斂是必鐵作心肝者然
當垓下訣別之際寶區血廟了不經意惟眷眷一婦人悲歌
悵飲情不自禁高帝非天人歟能決意於太公呂后而不能

決意於戚夫人杯羹可分則笑媢自若羽翼已成則欲歛不止乃知尤物移人雖大智大勇不能免繇是言之世上無如人欲險信哉

○林和靖

林君復名逵賜號和靖處士有惜別長相思辭云吳山青越山青兩山青山相送迎誰知離別情君淚盈妾淚盈羅帶同心結未成江頭潮已平

宋史謂其不娶似無情者特著其一詞見非不近人情者耳按林洪著家山清供其中言先人和靖先生云云即先生之子也或喪偶後未嘗更娶乎

○李衛公

衛公李靖爲亡妓謝秋娘撰望江南曲亦云夢江南每首五句
見樂府雜錄

白樂天作憶江南三首第一江南好第二第三江南憶自注
云此曲亦名謝秋娘蓋本於衛公也

○范文正

范文正守鄱陽喜樂籍一小鬟未幾召還作詩寄後政云慶朔
堂前花自裁便移官去未曾開年年憶著成離恨爲托東風管
領回到京後以胭脂寄其人題詩云江南有美人別後嘗相憶
何以慰相思贈汝好顏色

事載西溪叢語文子悱謂范公決無此事當時小人妒冒者
爲之余謂便有一事何傷范公盛德

文正公有御街行詞云紛紛墜葉飄香砌夜寂靜寒香碎珍
珠簾捲玉樓空天澹銀河垂地年年今夜月華如練長是人
千里愁腸已斷無繇醉酒未到先是淚殘燈明滅枕頭欹
盡孤眠滋味都來此事眉間心上無計相迴避范公一時勲
德重望而辭亦情致如此朱良矩嘗語楊用修云天之風月
地之花柳與人之歌舞無此不成三才

○司馬溫公

司馬溫公爲定武從事同幕以妓會飲僧房王荊公往迫之使
妓踰垣而去公度不可隱乃具道其實荊公集句戲之云年去
年來來去忙暫偷閒臥老僧牀驚回一覺游仙夢又逐流鶯過
短牆溫公嘗卽席賦西江月詞云寶髻鬆鬆綰就鉛華淡淡粧

成紅烟紫霧罩輕塵飛絮游絲無定相見爭如不見有情還似
無情笙歌散後酒微醒深院月明人靜楊元素學士見之曰此
公風情亦不薄

元素
名繪

○○○趙清獻

趙清獻公帥蜀有妓戴杏花清獻戲語之曰髻上杏花真有幸
妓應聲曰枝頭梅子豈無媒通曉使直宿老兵呼之幾二鼓不
復至復令人速之趙周行室中忽高聲自呼曰趙忪不得無禮
遂令止之老兵忽自幕後出曰某度相公不過一箇時辰此念
息矣雖承命實未嘗往也

此老兵乃真道學清獻公不如也

○○張忠定

張公詠帥蜀日選一小女浣綵縫張悅其入中夜心動屬聲
自呼曰張詠小人不可不可

趙閱道張乖峴皆能制其情者政以能制見其不能忘

張乖峴於席上贈官妓小英歌曰天教搏百媚相映明如花往
近桃花坊正面門庭掩映如仙家美人宜稱言不得龍腦薰衣
香入骨羅襪軟縠如雲英毫都輕紗似蟬翼我疑天上婺女星
之精偷入筵中名小英又疑王母侍兒初失意謫向人間爲歌
妓不然何得膚如紅玉初碾成眼似秋波雙臉橫舞態因風欲
飛去歌聲過雲長且清有時歌罷下香砌幾人魂魄遙相驚人
看小英心已是我見小英心未足我高歌送一杯我今贈汝
新翻曲

按公鐵石心人在蜀娶婢三年後歸其父猶然完璧此詩亦
靖節閒情廣平梅花之意也然歲華紀麗稱浣花小游江起
於公蓋亦不厭遊戲云

○歐陽文忠

歐陽文忠任河南推官染一妓時錢文僖公

名惟

罷政爲西京

畱守梅聖俞謝希深尹師魯同在幕下惜歐有才無行共白於
公屢微諷而不知恤一日宴於後圃客集而歐與妓俱不至移
時方來在坐相視以目公責妓云來何遲也妓云中暑往涼堂
睡着覺而失金釵猶未見公曰若得歐陽推官一詞當爲償汝
歐卽度云柳外輕雷池上雨雨聲滴碎荷聲小樓西角斷虹明
闌杆倚遍佇待月華明燕子飛來棲畫棟玉鉤垂下簾旌涼波

不動簾紋平。水晶雙枕旁。有墮釵橫。坐客皆善。遂命妓滿酌。賞歐而令公庫償其失釵。

公賞有小詞云。江南柳。葉小未成陰。人爲絲輕那忍折。鶯憐枝嫩不勝吟。畱取待春深。十四五。開抱琵琶^音。堂上簾錢。堂下走恁時。相見已畱心。何況到如今。意贈婢之詞也。而忌者誣公爲盜甥。噫。詞之不可輕作也如此。

蘇子瞻倅杭。日府僚湖中高會。官妓秀蘭以沐浴倦臥。管將督之再三。乃來時。府僚有屬意蘭者。恚恨不已。子瞻從旁陰爲之解。終不什然。時榴花盛開。蘭以一枝籍手獻座中。府僚愈怒。蘭但低首垂淚而已。子瞻乃作一曲名賀新涼。命蘭以侑觴。府僚大悅。劇飲而罷。事頗類此。蘇詞云。乳燕飛華屋。

悄無人槐陰轉午晚涼新浴手弄生綃白團扇扇手一時似
玉漸困倚孤眠清熟簾外誰來推綉戶枉教人夢斷瑤臺曲
又却是風敲竹石榴半吐紅巾蹙待浮花浪蕊都盡伴君幽
獨穠艷一枝細看取芳心千重似束又恐被秋風驚綠若待
君來向此花前對酒不忍觸共粉淚兩簌簌

○○米元章

米元章有潔癖或言其矯宗室華源郡王仲御家多聲伎嘗欲
驗之大會賓客獨設一榻待之使數卒解衣袒臂奉其酒饌姬
侍環於他客杯盤狼籍久之亦自遷坐於衆賓之間

○蓋不○向○榻○下○

相傳有潔癖者米元章倪元鎮二人元鎮於女色少所當意

一日眷金陵趙歌姬畱宿別業心疑不潔俾之浴既登榻以

手自頂至踵且捫且嗅捫至陰復俾浴凡再四東方既白不復作巫山之夢情主人曰元章之癖不勝其情元鎮之情不勝其癖且其不能忘情則一也故吾謂王岷之回面避妓也陳烈之踰牆逃妓也楊忠襄之焚衣誓妓也又徵仲之弄臭脚果以求脫妓也是皆情之至者誠慮終不自制故預違之故魯男子之情十倍於柳下惠伊川之強制萬不若明道先生

○何臬

何文縝丞相政和間狀元初入館閣飲於宗戚一貴人家侍兒惠柔者麗黠人也慕公風標密解手帕子爲贈且約牡丹開時再集何亦甚關抱既歸賦虞美人一曲隱其小名以寓惓惓